

## كبرت قرونك ياغزال

الغزال اللى كان من يومين ظبى صغير  
اليوم كبر واتشد عوده واتملى  
لفت النظر  
وكمان نبت فوق جبهته  
قرنين طوال متفرعين زى الشجر  
وقف لأمه وبنت عمه  
وأخته أخوه زى الغفر  
صبح غزال نصله قوى  
نقدر نقول حامى الحمى  
مر الأسد شاف الغزال

حارث القطيع  
طاب يعمل ايه الأسد  
علشان يصيد غزال رضيع  
او حتى ظبيه صغيرة  
يسد بيها جوعته  
بدل م إنه فى الخلا يموت صريع  
فكر فى حيلة صغيرة  
من إختراع الثعلبة  
راح للغزال وبسرعة قال  
ليه ياغزال كبرت قرونك؟  
رد الغزال ومين ياملك يقدر يخونك؟  
قال الأسد انا اللى حكمت هناك وهنا  
وانا اللى برضه حامى الحمى

دلوقتي قولى  
لو عليك حد هجم  
راح تعمل ايه؟  
قال الغزال  
رايح ادافع ياملك ويايدى ايه؟  
قال الأسد وانا روحت فين؟  
م انا الملك  
وانا اللى ادافع وقت الخطر  
واحمى الصغير قبل الكبير  
يبقى قولى ايه لازمة القرون وياك؟  
الا اذا تكون فى يوم عايز تخونى  
اوتخون حد فى ولايتى ياغزال  
الغزال فى حيرة قال

يأسد طاب هعمل ايه؟  
قال الأسد شيل القرون  
وارعى مع باقى القطيع  
وانا هنا هقف مكانك  
واجيب ديابتي يحرثوا معايا القطيع  
قال الغزال اما القرون مقدرش اشيلهم  
والحراثة متجيشى منى  
انى اخلى ملك عظيم  
يحرث قطيع من الظباه  
متلقشى بيك ياملك  
قال ايوه اه  
لكن القرون لازم تشيلهم  
قال الغزال مقدرش اشيلهم

الأسد هدد وأوعد  
ان مشلتش القرون  
لأجيب ديابتي يفتشوا كل القطيع  
وكل قرن ينكسر  
في أى غزال لو كان رضيع  
الغزال ودا كان شجاع  
قال للأسد خلاص صراع  
مفيش ديابة يدخلوا ابدأ مكاني  
وان دا حصل  
راح يكون في غير زمانى  
انا ف مكاني حامى الحمى  
واحرث قطيعى ولو هعيش مليون سنة  
الأسد خلاص مشى

ونيته مكنتش خالصة  
رجع العرين والجوع بيلوى معدته  
صعبان عليه  
مقدرش يخمد في الغزال همته  
لم الأسود ويا الذئب  
والنمور ويا الكلاب  
قال الملك ايه رأيكم  
الكل قالوا في ايه ياريس  
قال الأسد نهجم على قطيع الظباه  
الشبل قال  
بسرعة يابا قبل م تضيع منا الحياه  
النمر كان رزين في حكمه  
قال للملك والحجه ايه؟

قال الملك

الغزال اللى كان من يومين ظبى صغير

اليوم كبر واتشد عوده واتملى

لفت النظر

وكمان نبت فوق جبهته قرنين طوال

متفرعين زى الشجر

وقف لأمه وبنت عمه

وأخته أخوه زى الغفر

وأكيد وراه مليون غزال زيه كدا

ربو قرون متفرعة طالبة الخطر

ناويين ف يوم يهجموا يانمور علينا

ويسكنوا بالعند فينا

جنبنا ف أقرب مدينا

النمر قال

يبقى خلاص مفيش كلام

م الصباح يشيلوا القرون

او يكون مفيش سلام

الكلب قال وإن قالوا شلنا

نفضل جياع؟؟؟

الثعلبة ردت وقالت يأسد

انا ليا حيلة في الغزال هتوقعه

احنا نجامله بالكلام ونطمعه

نقول ياريس

مش قصدنا غير كل خير

لكن مينفesh كدا

انكم تبقوا عدا

وياغزال القرن مال  
نكسره ولا نسيبه  
يمكن في يوم ياغزال يجرح اخوك  
او شيطان في يوم يوزك تنطح ابوك  
وان رد قال هكسر قروني  
نقول هنبعت م الديابة مفتشين  
يتأكدوا من كسرکم كل القرون  
وبكدا نبقي غزينا قلب القطيع  
وينكسر قدمنا منهم  
الكبير قبل الرضيع  
قال الملك الخطة دی اتأيدت  
وم الصباح نروح نقف على الغزال  
وبالكلام هنعده لو مره مال

وفي الصباح نادوا الغزال  
وقالوله اللى فى نفسهم  
موفقش طبعا  
وتانى برضة قال لهم  
مفيش ديابة يدخلوا ابدأ مكاني  
وان دا حصل  
راح يكون فى غير زمانى

\*\*\*